

## GIORGIO MAINERIO, un misteri furlan

*Il spetacul dedicât al famôs musicist e necromant al siere il Mittelfest ai 13 di Setembar*

La personalitât fuarte, la vite e lis eresiis di Giorgio Mainerio (Parma, 1535-Aquilee, 1582), a son i temis dal spetacul produsût di ARLeF – Agenzie Regjonâl pe Lenghe Furlane e Mittelfest che domenie ai 13 di Setembar al sierarà il festival di Cividât (Teatro Ristori – doi spetacui, aes 18.30 e aes 21.30). Musicant, predi e, forsit, necromant, Mainerio al fo innomenât a nivel european pal so *Primo libro de' balli*. E je sô la famose *Scjaraçule Maraçule*.

*“Il spetacul teatrâl e musicâl, metût dongje cun peraulis, suns, cuarps e imagjins, al met in sene i fats che a puartarin Mainerio a jessi incuisît par eresie intal 1563 – al spieghes Marco Maria Tosolini, diretôr artistic e autôr de dramaturgjie de opare, ma ancje regjist insiemi cul atôr e dramaturc Paolo Antonio Simioni -. La sô figure e je emblematiche de complessitât pôc cognossude e visionarie dal ‘500 furlan, dulà che il cult e il popolâr si messedin intun misteri no simpri sondabil, dant ae storie di cheste tiere elements di incjant vêr”.*

I moments fundamentâi de vite di Mainerio – jenfri lis frequentazions ilecitis (circui ocultistics, feminis acusadis di jessi striis, *tabernae* malfamadis) e il cirî di resonâ cuntun incuisitôr – a vegnin rapresentâts cuntun lengaç artistic atuâl. Dôs polaritâts musicâls – di une bande la musiche antighe e di chê altre la tastiere elektroacustiche –, cuatri atôrs e une figurante i dan vite a une sene insiorade di paisaçs sonôrs eletronicis e *videomappings*. L’audio in esafonie al jude a creâ efjets sensoriâi une vore particolârs. Il spetacul – che al ten cont dal contest plurilinguistic e pluriculturâl dal nestri teritori – si manifestarà intune sorte di opare videoteatrâl realizade in plui localitâts furlanis che dome su la fin e cjaparà “cuarp” sul palc. Il public al sarà part ative de *pièce*. Stant che si trate di un *Misteri*, no si puedin disvelà daurman dutis lis sorpresis...

**Domenie ai 13 di Setembar dal 2020 – Teatri Ristori – aes 18.30 e aes 21.30**

Biliets: [www.vivaticket.it](http://www.vivaticket.it)

Informazions: [www.mittelfest.it](http://www.mittelfest.it)

### INFORMAZIONS PE STAMPE - INFORMAZIONI PER LA STAMPA

**Ufficio Stampa ARLeF** CALT relazioni pubbliche Tel. + 39 0432 229127 / e-mail: [arlef@caltpr.it](mailto:arlef@caltpr.it)

Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<<<